



水明樓集卷之十三

西華堂藏

閩中陳薦夫幼孺著

陳薦夫

年第陳一元泰始選

傳

吉府長史謝公傳

公諱汝韶字其盛號天池長樂人也幼警悟善屬文從父觀察公奇之甫髫鬣應郡邑試試輒高等學使者亦大器公不欲以其少成也竟格之公雖以少格而里中顯者爭欲署公公持弗

允也明年居外艱居處益貧蕭然環堵若蝸濡
矣每焚膏咄嗟太夫人竊餘光弄縑車作索索
聲比鄰酒人徒相戒逸去母驚嫗若寧馨者服
除更就試郡邑居第一遂列郡弟子員閱歲爲
戊午公年若干矣用毛詩領鄉薦高第旣續食
偕計一再試不偶念太夫人耄亟謁選以例得
錢塘學故事學博士率華顛趨趨語憤憤然公
向少年秀眉宇衣拜揖襜如監司諸公心偉公
未之奇也無何檄攝臨安令 公上書兩書請

行條鞭法纏纏數千言率與今 條鞭便
相合部使者下其議雖弗即行而當道諸公始
亡不奇謝文學者其後寓內卒行條鞭法則公
所倡也亡何擢武義令時方苦旱公輟公謙步
禱信宿大雨境與他邑繡錯雨若畫諸界蓋邑
人加額稱神君矣旣視事禁豪右侵牟汰浮冗
以省費均踐更覈賦役矯胥骹史無能弄其文
墨者三月而就理期年而大治會太夫人訃聞
公跣行哭出郭邑人送之盡哭固公喪母而邑

喪父也釋服補安仁令時公所畫條編法始得
布寓內他令長率持兩端未決獨安仁銳意行
之蓋公行胸臆中積數年一旦得當事故迎刃
批導若輕車熟路云邑太學徐生以訟田故暮
夜公公恚甚如法訊之加一等姦人李壽刻章
僞書作兩御史符從留都馳安仁亭傳騷然公
燭其符姦也服寘法江右戍卒實淞兵旣驕不
可馭遣之遂爲亂橫掠道上至安仁獨不敢有
所恣睢則以十數卒持檄侵慕府令求人欲

爲內應公心知其詐悉捕治之詎于治亡狀出
民數千嘯聚菁峒謀攻郡邑御史大夫亟召公
問方略公預偵寇所出入請銳卒百五十人合
兩邑兵分六道襲之賊不及備皆成擒公但戮
其渠魁而已兩臺交薦公宜人爲司馬屬格不
下久之以秩滿僅得承天府丞聞者皆短氣公
徐曰故不失吾司馬承天郡濱漢沔盜匿萑苻
藪澤中如鶩公得其黨使爲間諜盜自斃疑俱
竄去顯陵衛士老弱者十五六公奉直指命

窮歟之尺籍幾虛有蔣都護者憑藉守陵占沒
民田宅守令不可問或訟于公公縛蒼頭奴下
之獄蔣累謝不爲解張格者當陽大賈也自附
江陵近屬如饑鷹乳虎且齧齧其令令訴公公
竟論置死故相子屠間不得則怵公令自爲計
公若不聞也襄水溢民蠕蠕沮洳中若蝸塘然
公往視大矜之議蠲議賑活數萬人至今呼謝
父不絕潛江城屬公董其事稱畚築程土物百
雉巍然而於潛民了無所苦是時御史監司而

下靡不愛公重公事有不能辦者率以屬公乃
表公爲湖北備兵使會銓司中貝錦者言遷公
吉府左相遷左遷也然公宦楚久旣與王兩相
賢故王必欲得公而公亦不難曳其裾旣至疏
上六事王驩甚間進博士弟子員誦說經史大
義或因事諷諭以勉固王王又益驩甚抗表增
祿秩有日矣有觀察某雅與諸邸交惡遂抑公
曰郡國等耳相奈何不率守禮公曰今古不相
沿禮觀察欲裁相相有逝矣遂疏王自免王慰

留至涕下公曰臣去國體全所得多矣且身令
諸邸言蒲伏監司自吉左史始以遺大王蓋復
上四事竟去明日觀察以他事敗王飛騎邀公
返公飄然不可留矣歸則瓦坐一室課子肇淵
講肄其中忽注視良久歎頷笑曰乃翁官無厚
積厚積者此也蓋在杭時昂昂稱家駒矣弱冠
遂成進士爲吳興李官已徙治齊復爲東郡李
官報最於是公得進階奉政大夫擢南司寇尚
書郎以徽號入賀青宮因還家省侍臺省

諸公及郡邑大夫三老子第以次入稱壽車騎
闐里門甚都一時榮之渝月而公病浹旬而公
沒享年七十矣方在杭在茗時迎公就養公從
官舍中竊聽在杭視事聲侃侃不撓又郡將性
忌諱司李語多所觸忤公謂孺子幸言遜否且
無和衷理未幾竟爲所中移東郡公曰是宜爾
然吾以不善事某諫議失兵曹爲承天丞又以
發德安主藏吏奸忤守失備兵使而遷左史皆
孺子所習也吾不能爲陳咸父安事教兒諂乎

公性嗜書所撰著有謝氏碎金八十八卷詩雜文若干卷尤多逸者公本出晉丞相安宋時有名星者官福清遂爲閩福清人七世祖鍾英徙長樂江田里故復爲閩長樂人鍾英生琬實與王典籍高待詔同時善聲詩則公子在杭風雅翩翩所從來矣公卒後在杭復轉南司馬職方郎蓋公安仁時所失於某諫議者今在杭竟還舊物云

陳薦夫曰始余與在杭遊踰二十年逮薄遊茲

雪而公適以就養至陪杖屨承風旨覩謝公行事非一日矣迺余聞洛陽少年才輕絳灌竟以傳長沙今謝公鍛羽高雲左相吉邸亦以德安守蔣都護諸人故年旣不甚相懸而謫宦棲遲適當其地何其肖也然生弔湘賦鵬情境俱惡而公則可仕可止飄然去留矣若夫卑濕成尤主人去室則與夫後先相耀身名並永者又何絕也嗣後在杭歷聊城官留都十五年倏然心動于役過家稱兕舞斑載色載笑閱月而公

見背豈非令德至性唯天所感哉此尤洛陽少年所望塵而瞻若者也

高萬州傳

昔匠石輟斤于郢人伯牙遏音于鍾子知己云
亾高懷永沫發言莫賞予心鬱陶則余次高萬
州行事所爲久之弗文也萬州大夫其先楚人
也以大賈事廢舉入閩居玉融又再徙居閩之
鳳池遂爲閩邑人大夫幼機警言高永多微而
中率爲人所膾炙甫髫鬣有帖括聲弱冠補邑

弟子員邑故稱士藪大夫試輒屈其耦於是維
石公驩甚維石公者大夫父高京司馬也司馬
業已子大夫意益倦遊每謂兒足寄吾事吾皇
皇也而欲何求者竟以賦遂初大夫聞言心益
奮更驚于學自墳典而之稗說靡不該博而又
嫻于古文辭試督學試直指使者前後高等亡
慮數十計歲甲午以易統領鄉薦夜分宴歸舉
燭行視表廬諸物笑曰迺翁眼穿二十屣來何
暮也蓋大夫素豁達多談諧然時亦稱其淹滯

大夫旣一再北上中居以艱每痛太夫人祿養弗逮也則扼腕瞑目思丈夫取足承父志可耳安能跼踖經生斤斤守一第謂垂白人何慨然謁選明年乃得宿州州衝治也王者飭輿傳持廩餼日送迎境上少懈且與譴會郡貴人不時有所缺望屬令長以罪去者旁午始貴人爲令時爲郡法曹所窘法曹閩人貴人遂雙雙閩吏白大夫當有所意氣答曰國家以宿饜若屬邪將撫有宿元元也頃歲河決淮水壅民懸釜炊沮

泖中日不厭蔬草州大夫遠來固無厚齎必且朘下奉上魚鱉鹿豕之氓又可朘乎每旦起視事事不竟不休巡閭閻問民所疾苦間行阡陌間勸民耕桑或授種市牛給之宿是以有二麥之獲先時歲稔戶口多流亡逋賦者以千計大夫至稍招輯之俾復其業課之比居者歲漸收其粟麥足所逋賦積如其額而民弗知也嚴保甲脩常平曰是故具文守亡敢以具文應稍暇進學士弟子講統而親課其殿最宿之士是以

更勸于學某甲者豪民也武斷恣睢至持長吏
長短大夫繩以法減死論城旦豪右更相戒毋
謂守煦煦守固冬日而夏者也是以宿諸惡少
罔不脅息重足者大都大夫在宿亡論治行最
諸郡卽暮夜弗庭贖鍰不入日唯飲滌水耳以
故先時觖望與道宿而不得意於大夫者竟讐
大夫而罔若大夫何會入計則萬州之命下矣
大夫怡然就道過家省侍與故人具牛酒日張
飲城西湖上相樂也而又相訣蓋之萬有日矣

入夜疾作越宿大漸遂以卒長轡促影用不究
才人咸惜之大夫性爽朗尤篤於用情羣從昆
弟若親知有所不足資之至數四亡少吝喜中
聖而不以任氣工坐隱而不以糜日善歇後而
不以迕物累心處雖未頓盡然究與無累等又
雅善聲詩詞理溫厚別成一家大夫旣與余同
甲午而維石公又與余從父先中憲同壬子其
孤景方以四聲與余爲忘年交余是以能悉大
夫行誼如此維石公名巖大夫諱士奇字懋正

世所稱石穀先生者也

稗史陳生曰余聞之里語畏知駿稜知苗阨窮
知交方余與大夫遇合時大夫長而練于事每
有所規正余勸受之猶然於諸公等交耳逮余
不猶毒流阿堵窮愁纏蹙知已擯絕獨大夫訊
問不置相對移晷沾沾涕下視同籍加厚視始
同籍時加親一貴一賤交情迺見嗚呼予見夫
夫矣故附于論以風云

從子仕卿傳

仕卿名公選余五從子也玄祖叔紹官憲副高
祖焯舉孝廉不拜官隱栖雲山以詩名則仕卿
所向往者也會祖墳亦以孝廉偕計卒於燕仕
卿少深沈有智數而長於籌畫居常好風雅以
詞人自命旣屈首諸生不得行其志時余兄弟
髮未覆額遂以寡和中廢蓋二十年余壯而仕
卿老矣徐惟和兄弟方與余結芝山社而仕卿
以詩謁之遂往來文酒間自比古仲容惟和贈
詩云入林無小阮終少七賢狂惟起詩云莫謂

卿慚長陳家總德星於是仕卿迺得列於作者
之林矣仕卿既得竟其業詩日益工然產故不
大饒又多婚嫁以故常治家人產業僅取足卽
止不作謠俗營營態以其間就余理咏則又時
時苦肺疾几上書四聲與方脉相半所居湫隘
羣從相錯如繡一室環堵前臨市喧囂若蜂房
然迺仕卿吟自若也嘗灌園當午憇蕉陰中山
雨倏來蕭颯有韻柱所荷鍾聽之衣袂忘濕遂
構亭曰蕉雨蓋惟和所題云自是多觴咏其間

醉輒岸幘豪吟卽不當余意雖十竄其稿弗倦
也晚迺有思緻往往作意外語情興橫生不似
老大才盡者未幾遂苦瘡且又苦痢枕上猶呻
呻作諷咏聲疾益困乃曰趣召劉生來劉生者
其仲女壻玉融人也遂舉遺稿囑之曰以淵女
顧謂諸子二孺從祖無恙序集銘墓其事也餘
無所言遂瞑時年五十有九生平篤於行誼兩
事繼母俱以孝聞尤諳於世故善持論酒酣舌
強津濡下如縷語滄刺中竅又能張弛其說

以諧人意而潛導於正故里中每有大故及排
難解紛者輒首仕卿仕卿雅好結客嗜書畫名
家匠手必介紹得之廼已詩始學栖雲公中祖
正聲最後得鼓吹法余兄弟與惟起更爲選定
梓其十三卽向囑劉生所代刻蕉雨亭稿者也
幼孺曰仕卿詩有句無篇者什七其馴雅可傳
稱爲全璧者才百許篇不僅僅龜鬚兔角哉然
仕卿廢於病廢於帖括又廢於治產幾無所成
其名五十以前猶其未一特耳及遭遇徐君彈

射獎借始懸其弧用能起廢列於詞人八九
間篇什林然遺本齊末計未髻亂而傳者百篇
又何多也千秋大業定於良友劉生承之遂以
不朽美矣哉

臨汀王母傳

夫荆布之秀不越閨門蘋饋之規實唯閩闕若
夫芳猷懿範順秉健施保世昌宗慈兼嚴德於
王孺人見之矣孺人姓曾氏汀之清流人年十
三歸于同邑王承家先生真正而勤夙弘匪難

之益敬戒而順不廢在門之醮如賓聚德曾何
足云舉案遺風于焉再覩維時先生嫡母徐所
生母張雙節疇依藐茲攸賴再世之脉則伯是
皇是以孺人衿襦未煖啟席之愛蚤推伉儷方
新卜姓之心斯切姻黨高其不嫉妯娌晒其沽
名孺人晏如也未幾舉若已又舉顓則又孺人
之自出爲人而有與人而多緬懷前誥有不誣
矣久之先生弗祿號慟崩摧芳魂屢絕靡他之
矢同穴爲期仰比堂以興嗟撫遺孤而雪涕顓

而嘆曰存歿之願可殉俯仰之命安寄從容博
慨孰卽其難於是憮然而改稱未亡人彌益孝
慈實滋勤儉王自始祖澄邁令以來世擅素封
家稱金穴羣從侈汰莫荷積薪唯若顓二孤物
力倍初田廬歲拓施予塞忤求之心操縱妙權
衡之術用能家無釁孽人有懼心數十年間保
茲豐泰則孺人之功也天不助順二姑繼背痛
視創巨之酷不減于所天周身斂形之具有加
於哀子徐之第姪實懷市聲見金同晝攫之人

竊藏等夜亡之監孺人置而不問益復給以所遺昔巴中清婦以散財衛身東海貞良以姑貧罹禍得失昭然齊省具在既明且哲孺人有焉先時先生有姊寡而無依孺人迎歸于家以姊事之歿又捐其私帑給以祭田同氣之情緣夫而篤友于之義寧或過茲至於庭訓二孤又能隨其材具故顯以丘壘投閒耕桑自隱而若則千金結客三輔知名居異席門巷多曲逆之轍尊開文酒庭充北海之賓燁燁然煌煌然真所

羨事辭榮無尤讓績者也臨川賢媛之目前取則于青閨都水列女之編僅追芳于彤管孰能內外咸宜剛柔並進承休衍祚體烈士之至仁審勢達權弘通人之偉畧若孺人者哉是用采其徽音次為內傳俾汗竹者或取材云

從母林孺人傳

孺人諱從緩候官北嶼人余外祖程蕃守人瑞翁林公三女也方人瑞翁為民部時納庶妣洪氏實北坪戚晚良家子生先慈與孺人又納李

氏於洪爲中表孺人少清慧端重與先慈並得
人端翁憐而嫡陳淑人遇諸媵子嚴卽先慈姊
妹莫得窺翁膝下也閱九歲母洪見背李慈之
知所生未幾李復卒先慈姊妹乳乳如雙鵝眠
食動止輒更相煦煦動且得譴以故兩人相憐
也而又相惕雖女紅滌滌鉅釘盃醬罔不精絕
至於孝經大小學列女傳諸書悉通覽曉暢其
大義長適王氏諱家樸爲邳州守德廣第六子
以贊授廣西南寧府某寨巡司孺人偕之任亡

何巡司卒孺人矢以身殉第念且且振復旅櫬
萬里外乃強食治行扶喪以歸州守故廉吏而
巡司營營一秩費又不貲獨西郊一楹四壁如
斗矣孺人旣身營襄事則與所生姑約視所產
男女爲死生朝暮號慟每嘔血日對几筵一再
進蔬粥而已臨就館姑恐召中外戚屬候欲慰
解孺人尋生女而孺人意決矣謝所親不復見
卽有諭也若不聞者遂不復飲食卽數日忽起
謝姑料理身後事遂歿蓋孺人旣就館先慈輿

疾相赴念所以動之者撫所生女曰是蠢蠢者
而解頰笑可念也恐棄之令草芥人手乎孺人
泣曰誰令兒作虺蜮身倘念此何當畢吾事者
且死節易存孤難姊二甥翩翩晝燭有夜身爲
其難奈何斬我以易乎因馳召季弟屬以女曰
吾非不能割愛爾馨固且爲阿姨紆草芥汝
復白姑擇應爲巡司後者趨立之其慷慨中從
容類如此

不當薦夫曰外太父五女四稱未亡人于時言
歸二世金紫相照曲德勛名宇內罕儷此盛彼
哀物無兩大何乘除之理若斯之確也藉非孺
人伶仃茶楚此命不渝靡他之節流著穹壤亦
疇能爲外氏重者亡論相倚廼相足耳始不肖
負寤生之罪先慈偪折幾不兩生故於孺人有
乳保恩名微身廢無所闡發秋霜崑玉湮鬱埃
塵彤管休光寄於稗史悲夫

竺貫侯傳

少史公曰混沌旣鑿機械乃成張弛互用鑽刺

橫生雖非仁術哉顧其攻取之技有足奇者作
竺貫侯傳竺貫侯字及遠名疏會稽產也本出
黃帝第十一子用取睽功賜姓張其後子孫散
處中土爲蓬氏爲僕姑氏爲張氏與彤伯同時
以功備九錫其在外夷者爲楷氏又有鳴鏑氏
有聲句奴中至於東南材美獨稱會稽云及遠
少脩幹銳首不甚多奇節及長師尚方氏轉已
屬僮業已矯正裁成質猶鈍不足使也乃嗾南
金氏利導焉又使白羽氏爲之夾持以故及遠

行得無頗居恒好自毀伏主者常以指使見於
弦子激以天地四方之事則及遠始銳
志天地四方也及遠旣以材稱任使性轉好鑽
刺外不太昵近人而機鋒剽疾相望百許步能
刺人肌骨中事一中其術無不拔胸瀝赤立傾
倒者意所向時雖身輕鴻毛行極猛鷲屈首其
中不爲耻當堯時及遠知后羿有權力以身事
之會羿與矧靈鬪及遠殪其兄弟九人羿驩甚
挾之以自固其後歷唐虞夏商無知者周末仲

尼倡禮教樹標的及遠思附以自重迺介仲由
提挈以見于夔相之圃受揖讓升飲之度而一
貫之旨蓋觀者如堵墻從之楚時養由基有寵
于楚王及遠復左支右屈以見于養叔楚有白
猿公工劍術每擲揜基獨及遠在日攝之輒驚
號躍去其後魯連子謀下聊城購及遠先登城
遂下及項籍王楚漢數籍十罪及遠爲楚趨謝
高帝頗洞達帝胸臆帝失聲詎曰虜芟芟利口
乃能中吾指及遠遂留漢軍中武帝時匈奴寇

邊郡李將軍廣素善及遠得之松澗假弓高
尉從擊匈奴及遠兵所向持重不輕發發無不
立中窾卻虜大卻號飛將軍廣上其功制曰乃
者匈奴不道蹂我塞下獨弓高尉疏潛出雨中
橫絕灞上礪鋒飲血身先戈矛矢裂肌骨虜盡
創焉功古蔑有朕甚銳之宜封疏爲貫侯食若
十石其敬持滿毋有所弛及遠旣已貫侯頗自
溢有石虎先生者伏盧龍草野間及遠未之識
也夜相值道上前驅誤觸虎虎喻之至沒齒及

遠悔悟甚起更謝虎登不納又與太油氏擁盾
氏雅不相入每相逼曼然作聲而已蓋其術多
以倉卒中人至爲之備亦有不悉中者則以身
投地久而自失也嘗遊于市見魯縞服色爛然
曰是紈袴子可鑽也念無以進良久喜曰此仲
連族吾通家子也亟脩刺詣之縞方臨風猶曳
刺至不卽納及遠以頭踰地罵曰非我也誰爲
若翁破殺燕將下百雉者儼薄小兒迺不納
是時及遠蓋末路漸與南金氏有鄰尋解去

言自縞氏亦以註誤坐髡無復爲後先者及遠
行益頗竟亦失候縞見之笑曰老悉翁嚮者貫
侯貫侯今不當貫侯耶及遠強起頓首復再三
謝不敏也然及遠雖廢歷漢魏六朝唐宋而下
子孫多入彀者事具諸史中不能悉及遠旣自
以身出軒轅氏又以李將軍得侯遂以其族爲
黃氏徙將軍山下故其類雖繁獨此族率纖體
銳首射利躁進綽有祖風云
論曰及遠巧發奇中列爲貫侯鋒芒迅疾不可

水明樓集卷三
迥適其遊大人以成名宜矣及遭際大聖致身
宮墻顧不能正志直體挽其詭遇拆於亟盾困
於魯縞亦不以善息者哉遠旣以善刺入宮墻
然非附宮垣亦不能行其刺循環引發爲世所
嗤嗚呼嚮往之專攻取之銳雖彌堅不磷之化
不能革也悲夫

碑

困溪社學碑

代

大人情溺於習見當事憚於作新故繙塵乍涅

則素絲損抱質之貞紫色旋更而齊統長已
之價崕嶮松楸雖在必無十步卓茂何知非有
况乎人含二氣羣品之所讓靈教率倫常王化
之所漸入者哉困溪居閩西北關當孔道地設
分司鹽滷賴以居停商民于焉互市山依水阻
力本之業故微土狹民稠逐末之風自勝食醴
衣滷烟火千家居賈行商錐刀百倍笙歌徹曉
媽紅黛翠之姝博簊當場浮白呼盧之客其民
少而習焉長而安焉耳目沈酣精神融結故有

大賈之英閭閻之子髫年志學改轍於總角之
辰稚齒橫經棄業于三加之日欲竇僕其靈竅
心計君于丹臺羣居匪無用之心博學有成名
之技鷓絃鳳管青樓翠幕之韶英局戲檇蒲玳
席瓊筵之俎豆家之無爭之化訟結再三鄉黠
觀德之風射專什一成人小子之教邈矣戴經
洒掃應對之功遐哉魯論矣故司農府丞嶺南
林君職典分司心存勵俗乃置射圃聯師儒羣
子弟燕射而習禮焉已又請之督學著爲定規

凡商民之子弟其有閑於文理者輒送學道在
衣巾作養之例候歲考定奪率以爲常然生徒
有繁社學未建美名徒寄實事何稱今司農府
丞擢辰州太守甬東屠公宏覽博物體國宣民
雅志憐才悉心經理捐食廉之俸闢義路於荒
蕪起興禮之心擴前基而再造乃購民居思營
學舍時以不慧總平醴法分憲臬司承乏攝官
兼領學政據職則地應統轄論體則權兼作與
省覽牒文允資工費事成公暇悅以子來官民

商賈慕義執信者莫不顧化輸財助工有差以
先王尚德之教變謹俗徇利之場馳逐之志觀
門屏以潛銷遊閒之情望軒墀而自戢髫年壯
歲業夫章縫商賈編氓風同揖讓其歲考送道
隸學作養者例悉如故若夫上非徒法下匪具
文禮養與堂構同新積習將覩聞共革忠信孝
弟養德于不伐之林禮樂詩書儲材於待用之
府鄉閭免素絲之誚里閭復齊紫之觀使化蜀
文翁遠符于漢代導閩常袞近契於唐年唐
鼓舞之心無負作興之意其助工名姓悉載碑
陰傳諸來禩以垂不朽

大中丞金公德政碑

昔方叔元老壯經國之猷吉甫清風著爲憲之
頌寄勒詩箋寓碑人口載謠載詠有永弗刊至
若衛鼎銘戎晉鍾紀伐上有愛徵民寔見德援
今證古何獨不然大中丞金公名學曾錢塘人
也挺海岳以儲英苞江湖而比量始以屯鹽分
臬加惠吾閩今復擁節秉麾巡茲土德刑旣

大日
詳寬猛斯濟臨事化已成之心出令示有孚之
信問閭疾苦洞於堂序之下行伍休感燭之几
席之上虛懷兼姬公之吐握得情屏廣漢之鈎
鉅停徵息訟之民含哺而鼓腹左道不軌之衆
朝發而夕禽鄉約體出入守望之遺保甲規軌
里連鄉之法可謂忠厚宅心公平宰物人存政
舉吏畏民懷者矣况乎七閩單外山依海阻島
夷小醜時滋禍心鯨鯢蛇蝎之志矢北方爲可
圖勾通奸究之朋望南風而思競公慮先未雨

吏無大小率通意氣公獨持正若弗知也者時
以三臺薦剡前後凡七上罔不以臺諫擬公者
乃公竟遷南民部主政主政直循資耳昌民吐
公轍不得留則祠公于邑西若峴山墮淚然亡
何權丹淮陰時江陵公寢疾有 詔屬百官走
羣望為禱凌大司馬董漕事檄公赴齋宮公素
不足江陵公行事謝病竟不往事竣得代還部
則以司權羨鏹籍入公帑毫不染指方公令新
昌時與潘宗伯某雅善是時宗伯以江陵公薦

起家代當軸甫趣裝寓內吏走其門者如意氣
汪陵時公以其受知江陵也薄之又若弗聞者
宗伯亦以疇昔故引領公既不得通問不能亡
怏怏人爲公危之蓋潘劣至輦轂而罷相之制
下矣公藉是得無他久之轉本部員外郎公以
在官久請假歸上隴遂對揚贈公及太恭人寵
命丙戌起家補水部司織造貂璫每有所冒費
輒抑之滿二載擢南康守郡吳楚孔道民以貿
易自資而楊潮左蠶之險風濤簸蕩商舶若不

念切衣御增簡材官益脩戰具抽添屯戍聯松
山而碁布鳥船法煩出彭湖而雷動關酋旌旗
有備逆黨爲之東向于時天津告急京輔戒嚴
公深以根本爲計方舉勤王之旗屬本兵檄令
函師由海入援公以閩上脆弱洪濤叵測累關
宙事舍海卽陸解民情之洶洶甦萬死于片言
入目閩土磽瘠歲比不登中家少再宿之糧公
廩乏經年之蓄甲午仲夏殷鑒不遠故方下車
之初一以民食爲意首誅亂民廣求荒政下令

郡邑倣古常平出納有司規條得法移書兩
急臧孫之病遣使東浙汎秦舟之粟竟而士有
宿飽民無菜色流亡漸復公私不擾則公之賜
也當今內帑告匱宸慮寔煩權宜救弊鑛稅
四出公旣善爲調劑不激不隨已又條上七事
上樂下利事同廣德之善曉功倍賈生之痛哭
俄而窮民煽虐鼓噪都市遂有前事嫁禍儒流
時公旣移鎮建州寓書鑛府誠通表格上下釋
然方公經理海防增茲多口爰及今夏餘黨內
侵折誠執俘相望於道慈母擇投杼之疑縣官
紆側席之憂言之悠悠曷其有極以公錫白金
又綺仍詔及時推用若夫按籍清屯豪右聞而
歛手勾丁補戍及瓜易以踐更條鞭無不均之
錢銀亦無多取之弊自公司屯分臬已識斯弊
公之與府益弘舊澤故部曲衛士等飲七載投
醪之醇挾再任拊循之績圖以善政勒諸貞珉
旣銘晉衛之崇戎更頌方古之厚德
銘曰天啓南土奠我閩疆引甌控粵川海連岡

地狹而貧易兵且荒帝咨于公惟爾義康節鉞
至止綱舉目張令嚴什伍神殫積倉鯨波載戢
臨土是皇曰此鑛稅寔賴紀綱惠我戎衛何用
不臧清屯勿戍愛利無方恂轅曷借預碣可忘
敬鑄玄石請備旂常

誌銘

淮府教授肖栢從父合葬墓誌銘

代

肖栢公者諱朝釜憲副栢厓公季子栢厓公以
進士起家歷官有廉能聲生公甫十歲而孤哀

毀如成人西埽林公吊而異之竟以女定婚焉
卽所謂林孺人者也公幼有至性沉毅強識及
長機警有幹局事伯兄樸居公以孝友聞弱冠
補邑弟子員試高等受簡廩籍甚庶戶間而林
孺人者佐日勤謹又時以承家爲最故公益肆
力於文章亡何伯兄卒無子公爲經營其喪綜
其家務母事嫂林者垂三十餘年公旣偃蹇場
屋諸同研席者悉宦達則投袂嘆曰士固隨分
量抒志業安必登歌鹿鳴賜對延英迺稱利見

九
我柳下季吾師也遂領恩薦授歸善訓導其學
宮脩祭器講稅尚行士習一新書生洛應圖者
每當公月校士時輒橐筆負几就試諸生聞公
稱閱其文竒之今次第冠諸生諸生弗堪也後
歲餘洛竟舉於鄉則諸士無不人人服廣文先
生善鑒士時李夢池先生在憲臬方正狷介獨
雅重公每薦公于學使者林碧麓先生先生公
鄉人慎許可愛嘖咲然素知公名每行部不令
與諸廣文旅見見必移晷乃出人咸曰鄉故厚

公間偵所與言皆士風學政不及鄉曲一事迺
知別有所以重公者而不以鄉云久之檄視興
寧篆邑貴人兄陳導怙勢恣睢前令莫制公按
其罪狀攝之杖于庭雖以貴人請竟胥靡之弗
貸也太學生陳善貲累萬詐仇家以帷薄事中
之論死當道以昇公生陰紆數百金却之生爲
公少吾金乎倍至千公咲曰生當死卽萬何益
否也何以一錢爲竟爲察之白其寃改署博羅
以忤上人意未閱月自解然淮邸之孽固已伏

於是矣會興寧令耳缺議更屬公署公下車明
日盜劫守藏吏高守中空具家公陰得其盜名
掩捕之不數日得十五人寘於法賍無所遺人
益以是神明公秩滿陞平和教諭挈妻孥便道
還家未釋裝而林孺人遂以疾卽世公性故驪
直於事多徑情孺人每多方從容之故公之所
以服孺人者若西氏之於韋也歷官所至孺人
之功爲多居恒念公嗣未廣爲置側室林故公
得舉子沈爲伯兄後又爲置王皆先公意無所

強其知大體如此公旣念失孺人每爽然自喪
游益倦會所親遮勸之始行至平和歲餘每移
疾求解職適公署博羅時所不得意者得甘心
于公於是淮府教授之命下矣公慨然曰是本
欲中予固迺公所欲醮祭而求者卽日行就道
至山中以丘濬自樂歲時聚子姓敦宗盟修墜
奉廢族鄙翕然暇則行農圃問桑麻卽闔閭間
伏臘酺飲演合樂府公未嘗不在其中公入仕
自萬曆癸酉至乙酉十三年而還山至戊戌又

十四年遂以疾終于里第于是林孺人先公卒者十六年公先光州固始人有太尉檄者從土氏入閩長子令容卜居大義則公所居鄉也高祖週封監察御史曾祖叔剛仕爲翰林侍讀祖燿贈戶部郎中父堦雲南按察副使實栢厓公公男二長邦海次邦沆以某年月日與林孺人合葬于東臺之嶺下是宜銘
銘曰於惟陳公還大治宛彼孺人卽長夜玄宮我峩嶺之下億萬斯年篤來遐

吉府王長史墓誌銘

公諱應巡字獻甫世所稱蜀陽先生者也父祿母訐氏本真州人公生而穎异方免襁褓中乃點漆凝脂瑩然若衛叔寶王安豐矣性端重不作凡兒言笑甫十三於書無所不窺居然有六翮奮飛橫絕四海之想則謂閩比蹤鄒魯若慢亭若鯉湖奇勝甲東南吾安得歷覽也而今吾心醉者會從祖司寇某公自莆詣真州心異公而又奇其志遂與偕行入閩亡何司寇物故復

從諸父隱岩先生徙晉安先時隱岩感異夢而
公適至以故奇公而子之十五試郡邑輒高第
時宗子相先生督閩學首拔公補學官弟子尋
餼公俾與今中丞薛公諸名士講業學宮是時
王孺子聲籍甚諸生間而任宜人委禽之誼講
矣宜人爲莆文學邦柱公女貞靜慈惠于公稱
配德焉公旣撫有宜人念父母春秋高乃謁學
官請假爲省侍計尋復就試還閩明年祿公見
言公泣血匍匐歸真州力不能扶柩則姑殯之

右五父也者因奉母就閩養任宜人業已事父
比隱岩諸婦矣所事如復嚴謹持宜人甚宜人
婦之益順已又事所生許婦兩姑間迄無嫌也
歲辛巳公以選士入辟雍久之授惠安博士惠
才數也士得公益親公程之脩規條課文執恤
貧乏眎他學官奉職守功令若霄壤然擢國子
學錄月旦坐講席陰黃蓋橫經問義琅琅剖析
丰儀都偉若神仙中人矣時宜人在官舍攻苦
茹淡日佐公無異諸生時夫感乳疾大漸知

不起指二孤謂公曰是熒熒者固不患爲伯奇
中生患迺公恩勝耳識之無相忘遂瞑大都宜
人御家有法遇下有恩處人所難俛仰者悉得
其歡心蓋二十年往矣是婢且媪譚宜人輒泣
下其精誠動物類如此宜人卒三年公出守雅
州州雜夷俗天全酋高陽二氏日構兵相讐言而
州民間存義張自成以誣陷繫獄庾且死公下
車察其冤力出之單車按行夷峒中宣威德諭
以禍福峒夷投兵呼萬歲無不散者屬大工

與詔採州木孝廉黃生甚張擁鄰木吏不得振
公怒曰孝廉尊乎不尊於縣官有如抗制書
闕木自利守有論奏耳黃懼趨謝公公捕其奴
論鬼薪蓋公在州他事如清賦役卻贖鍰核浮
冗禮節孝日唯飲川水而已在雅六年前後使
者察治行薦剡旁午竟以資見格拜公吉藩相
公怡然就道王亦重得公驩甚間謂公曰寡人
有庶弟不能協和相其謂我何庶弟者長沙王
也公以禮諷諭之遂爲兄弟如初諸王子壯而

六朝樓集卷三
汰公勸出就學咸蒸蒸向往夜分吾伊聲徹朱
邸中有某庶人者挾天潢硬化聞之遂革心王
以其故彌敬禮公公以母老力乞掛冠不能得
乃假歸省視會 青宮覃恩王奏加公章服晉
四品秩封祿公及太宜人如其官公雖心感王
強詣吉藩謝鄭重然歸養之志終不可屈矣
南還始奉贈君柩歸葬晉安旦起慙憑許太宜
人佞佛禮念殊相樂也暇則借二三同社文
會月一再集以爲常丁未夏太宜人卒公獨

慕不啻墮而幾滅性唯是窳窳之事必躬必親
課蠡裡蒙霧露越數月以雪疾逝矣公孝友天
植事隱岩若從母並于所生隱岩公二子長應
岳先卒公子其子季應雷公弟而胞之爲營其
產垂千金固家庭一體無膜外之別焉公好古
善屬文又長爲聲詩至於聲色貨利之好泊如
也孤鐃等以三十七年臘月下澣卜屋崗坑田
山之原奉公及任宜人合葬焉禮也謹銘
銘曰髫而遊壯而脩蒼然以休孝純義周儷於

好速行歸真乎一丘

田憲副墓誌銘

代

夫閼水成川藏舟易遠人琴忘於廣坐酒壚邈於河山生平蕪沒掩淚窮泉心迹淒涼歸魂長夜於是憲副竹山田公飲恨吞聲者四徂寒暑矣按狀公諱瑄字希玉別號竹山南劍大田邑人也幼穎異天性篤至弱冠爲學官弟子嘉靖末島夷闖閩中贈公所餘先業僅僅如蠕蠕矣贈公者公父贈南康守錄也公既貧賈則以贈

公餘產讓之伯兄而又躬授徒歲收其脯與學官之廩餼以贍其弟唯是甘菑滄澁之奉必悉力無少缺以故最得陳太恭人歡辛酉居外艱戊辰以恩薦入成均名籍甚同舍郎間尋捷京闈登南宮上第則穆皇帝庚午辛未之歲也以才望授吳縣令人咸謂公且便道之官也於時太恭人居疾棘而公忽至迺知公間行歸迎養固未嘗便道之官也視湯藥閱兩月太恭人迺棄養其孝誠所感卽古醫指痛心不神

於茲服闋謁選補新昌令新昌在越中號最澆
邑南固腴田也豪右擁溝墜自利公親疆理之
畫溝洫界限益買田爲鑿溝費益溝嘗明而豪
右罔所措手邑人築均水亭實頌公德云又俗
好輕生破人產公每聽訟訟格殺人者按之亡
狀輒置法不少縱卽葬埋資弗給也訟考無所
利俗遂革歲己卯分經棘闡所拔多名士若武
休揚侍御某其一也公室旣鵠起傍邑有疑獄
必以屬公三臺倚重稱神明爲時江陵方秉軸

交無大小率通意氣公獨持正若弗知也者
以三臺薦剡前後凡七上罔不以空諫擬公者
乃公竟遷南民部主政主政直備資耳昌民卧
公轍不得留則祠公于邑西若峴山墮淚然亡
何惟丹淮陰時江陵公寢疾有 詔屬百官
羣望為禱凌大司馬董潛事檄公赴齋宮公素
不足江陵公行事謝病竟不往事竣得代還
則以司權美鑑籍入公帑毫不染指方公令
昌時與潘宗伯某雅善是時宗伯以江陵公

起家代當軸甫趨裝寓內史走其門者如意氣
江陵時公以其受知江陵也薄之又若弗聞者
宗伯亦以疇昔故引領公既不得通問不能主
快快人爲公危之蓋潘劣至輦轂而罷相之制
下矣公藉是得無他久之轉本部員外郎公以
在官久請假歸上隴途對揚賄公及太老人竈
命丙戌起家補本部司織造貂璫每存所冒弗
輒抑之滿二載擢南康守郡吳楚孔道民以
易自資而楊瀾左蠶之險風濤無涉商舶

得停公爲築閘捍之舟至如歸民生永饒歲
分俸作粥民全活者數萬計間詣白鹿洞爲請
生剖心性之秘撰辨惑若干卷以破姚江良知
之說章縫之士颺至雲合遂出私橐增市學田
七百餘畝爲廩餼筆札費南康科第始不甚夥
公故善形家術爲遷其庠序是歲領賢書者倍
常數嗣後益蒸蒸矣秩滿陞滇南憲副尋改粵
西少叅以不能俯仰故或有中之者值粵寇阻
藤峽爲亂公下車宣威德諭順逆寇卽解散當

事者偉之復轉滇南憲副還公故物焉然向所
欲甘心公者又據拾粵事謂公養寇縱亂詔
奪秩二級公適入賀過家遂以原職乞休杜門
却掃有終然之志公既嫻於青鳥之術著地理
直說雪心賦註解若干卷行于世削跡公庭不
事問餽有司有先施者不受亦不答也時從父
老詢闖闖利病弗便於民者輒叩閣揚扞民苦
食官廩與其從子大宗伯鍾台先生請于官不
報罷不休於是苛政墨吏率息田先生而媒孽

之事起矣歲甲辰詔夏諫議持節冊封琉球
至閩檄大田令段公採桅木公以搔攪詣冊使
白木空朽狀冊使允之得不採會御史報命段
令君不與薦疑以桅木故迂冊使爲所陰持遂
歸怨于公竟鬱鬱死公半歲前爲令君具飲其
家人遂疑公伏藥久乃發毒也因遞訴公諸仇
公者僞作公揭激簿尉簿尉至公第斫門屏大
誦公反造公率僮奴攻入令君官舍事聞臺省
攝諸郎君論死公恚甚成疾家人召師巫穰之

有徐經歷者署篆來邑雅欲以公爲市屬公使
人范某死徐仍坐公行符殺人捕師巫等畧公
又患甚疽發于背三日卒于第徐轉羅織煨煉
庾公子籍公產至有昌稱攘奪而徑給主者公
所自卜宅兆卽命所欲歸骨者亦幾不免向所
按武林楊侍御某者力爲解於甯道然事終未
艾也公素剛方不作媿阿態釋褐三十年祿
所餘唯以數鎔周急爲事世公之孫其孤與
子等宗黨因感諸事火者皆自遺百家爲恩者

牛耳一二睚眦之怨遂至隕身破產備薦紳
古未有之酷豈不痛哉將以某月某日塋公于
桃林坪實公心醉手擇而中奪于若篆者也良
弓復楚鵲巢幾鳩悲夫是宜銘
銘曰其操也孤其政也都古今有不朽之譽而
無千秋之誣身沒題定不容何病桃林之阡秀
且令澤來系兮未新命

鄭僉憲合塋墓誌銘 代

蓋僉憲鄭公之棄二孤也星霜五易於茲有寔

安之事其孤綸等奉公行實謁余銘其墓按狀
公諱元韶字九成別字志夔世稱爲九石先生
其先光州固始人也鼻祖昭宦閩因家焉五世
祖章及第官翰林學士十世祖強登崇寧進士
仕至臨汀守以循良稱強子天存舉省試第一
人十五傳愈實公高祖也愈曾孫未全即公父
贈君公幼穎異嫻於應對贈君器之親授以易
義名鵲起羣從間嘉靖己酉以易魁閩士丙辰
登乙榜授全州學正興學明禮程督有規時甘

露降於... 官所造士... 公應... 將公遵...
公貽德皆爲當代名臣云擢善化令尤多惠政
邑產毒草公令訟者例納若干觔遂童其山民
以全活有以日昃叩署求見者公疑爲暮夜峻
拒之或有獻鮮于公公曰懸魚吾志也謝不納
尋倅松江檄攝上海篆蠲力差裁冗役省徭銀
歲以下計部院薦剡旁午於道遂晉松江貳守
會倭夷江蘇松公與蘇人畫界而守賊不敢犯
浙丘林直督守臣冒支又主藏者侵庫金至萬

公皆極力發之故事造兵仗匠習爲斲至累年
不輸尚方者必嚴限真法無所貸 穆皇厚恩
贈公父如其官母宜人秩未滿而拜 綸恩蓋
外臣特典也陞刑部郎以薦者乞留改湖廣合
事駐節松江松田賦甲東南豪右胥史相依作
姦公奉詔方田濟賦科則輕重得平至今賴之
政府徐公宗伯陞公咸欲重任之而公結念專
繩飄然初服矣既家居布衣蔬食怡愉謙讓若
儒生至有訟端每質正於公足不履公庭至乎

閭閻利病即建白數四不避也嘗爲鄉人塞石
門峽諸水人無不尸祝公者性又篤孝贈公諱
期與公誕期相值遂終身不敢受賀素不善麪
藥宗人伏臘必盡歡乃撤所著詩文適發於性
情居然有作者風致臨歿神益王處分家事語
刺刺不亂公生于正德丁丑五月初四日卒于
丁酉六月二十七日享年八十有一生男二長
國綸次國綬十以萬曆癸卯年十二月十五日
奉公柩與曾宜人合葬于某山禮也因系以銘

銘曰吏而循孺而真洪江之濱先生所扁厥德
不湮

鄭郎德彰墓誌銘

德彰名天錫行三所稱者其字也以上著舊家
稱浦尾鄭氏父處士垣母林孺人德彰生十三
而父母淪沒能讀書知大義清雋文弱體不勝
衣二十一而娶即余女孟姬也娶二十三月而
卒卒四閱月而孤祖懋生又八載為萬曆三十
七年己酉歲以季冬念六日塋于城北之浮倉

山方營兆掘地得故宋蓮城尉趙與駿之墓
甃甃之類悉無所有惟見一銘與駿三歲而孤
連喪怙恃二十七而卒亦以歲臘月塋于茲土
嫗抱一子臨窆種種與德彰類迺知四百年前
已有抱此痛者非獨吾德彰也蘭玉摧折何必
在年霜蹄易蹶雲翼蚤鍛高遠之度自然可會
亦何必有述也兆丁 山面癸為壙者四中則處
士孺人宅焉處士之左卽德彰所厝孺人之右
為余女之壽藏婦翁義谿陳薦夫為之銘又屬

友人徐勣書納壙中

銘曰子人兮少孤父人兮先徂歲方晏兮歸黃
壙斷斷碣兮更相符臨窆躡躡兮亦此再期之
婦八齡雛嗚呼

陳隱君合墓墓誌銘

始余讀吳大司馬濟美堂稿見所爲陳西泉先
生墓銘心切嚮往之亡何陳太學挺章奉吳孝
廉當時所撰陳肖泉隱君行狀從余乞銘迺知
隱君實西泉公子也隱君諱某字某性孝友醇

謹事西泉公及孫太孺人色養殊蒸蒸焉黽
人孫氏邑學生夢周女於太孺人爲同族柔順
儉勤稱齊德云隱君旣內獲助亦發光下物不
欲上人故於物無所迂當西泉時生業斤斤自
給耳君念欲恢張不欲以勞貽父遂棄儒術躬
拮据爲廢舉之策與時羸縮策無不奇中而百
獲也則又未嘗纖畜競錐刃若繇俗賈豎無用
是畝益拓居處益饒遂增市祭田構邑西以居
西泉公喜曰是不獨勝負荷固且代迺公積薪

矣時西泉公以廣文家居日以文酒賞會脩香山洛社之遺皆君與孺人之力也蓋君雅意墳典本與西泉公同意興故能以趣養云居常好施予待舉火者數十家壯代婚死喪代葬者甚衆既已終事矣不自以爲德即孫孺人亦時時從史君君所置祭田歲以所入脩蒸嘗以其羨者周貧乏貧不能入租者率蠲之也而更周焉邑令君每有大役君輒佐之令君具言臺省賜爵一級君謝不拜邑中罔不嘖嘖高陳隱君者

太孺人業已棄養君哀慕不置迺迎舅氏肄業家塾中饗殮裘葛特厚不令與諸子等連俗市業者往往求盡值君恣與之曰是人耳豈願滿而猶然缺望者邑人益嘖嘖長者隱君凡君所爲得市義聲者雖其天性然哉亦內有人焉同心以行其德者也隱君業已逾知命遂有尚平之志偕孺人築別業焚香却掃吾伊其中茂樹清泉翛然物外矣居十年以疾考終又四年而孺人亦繼往矣君丈夫子三炳章煥章熒章以

萬曆己酉歲八月晦日合塋于郭西中岩右麓
寔西泉公偕孫太孺人兆而祔焉
銘曰繫魂之恬然儷厥德之淵然祔者之翩然
襲來祉之綿綿然

先茂才行狀

蓋先大人棄二孤時不肖藩藐然在疚而藻亦
煢煢提抱中先大人容止言笑罔罔如前世事
悲夫悲夫太孺人時時爲不肖道光大人事輒
哽咽中廢即不肖伏而泣血不忍竟以致先大

人事十不得一二則太孺人戒二孤吾髮種種
白汝父未即安厝汝謂死罪何且而父沒垂三
十年吾悲鬱強生治汝衣食精神日憊不復能
強記汝父事事幾湮沒吾安所委罪吾強爲汝
疏汝父時事太孺人曰汝父爲中丞公季子余
十九歸汝父時則中丞公已棄去家事益落余
謂紈袴子卒貧賤不堪而汝父力學不問家人
事會伯仲謀異產業汝父爭不能得則自言伯
仲處分不如季習季主之宅取當中通行不得

肩鑰者器用取些窳朽敗者田園則取瘠确荒
僻與善崩者諸父兄弟有所干則顧謂吾取奩
中裝給之未幾吾姑張復棄去汝父委頓幾不
生然念張未得與封典始益力學圖以馳黃報
稱頃之倭夷掠閩中道出吾鄉吾與汝父謀奔
都城汝父曰吾幼妹方未行吾可委去累吾伯
仲哉竟不去賊棘始挈妹與吾匿大化山中汝
生僅再週道中作呱呱聲妹憐之行且撫汝父
曰叱嗟尤物趨置之去再置吾輒收之中路伯

作僕棄去獨汝父載叔妹行大雨泐水卒至父
濟妹而去吾行渴澗中漂去里許扶枯枿以出
逮暮及之巖下相持飲泣不能禁曰嗟夫方吾
事急時吾違顧若偽哉旣入山日不再食吾度
不能俱飽則欲以讓叔妹而父懼甚曰以是爲
苟吾母也久之聞道走玉融道病甚殆不知人
有諄諄問叔妹所在抵邑中喜謂妹吾異日始
有以見吾母吾幸生哉寇退還里中則室廬物
力蕪然瓦礫耳吾顧而大慟而父曰無居孰與

吾死向者不免叔妹吾分一死矣吾聞言悲良
已遂僑居都城巾居處益固至不能舉火竊
而艾方侃侃讀書鼓琴吾心安之故人郭生無
子老且死謂人曰季在吾不憂不得歛憂不得
季爲諫耳頃之汝父至嘗其喪諱之如郭生言
先是孔姬命卒汝父沈痛逾所生殯不肯塋
曰哭日者吾將祔焉不然子孫誰復有依母一
或傳者居間以歌少所降意獨與今梁山令趙
君仁甫游甚雅蓋趙君者好聲詩與而父同調

云方是時都人士習博士業而此兩人恒讀詩
若古文辭人多目攝之顧而父若不聞也者猶
汝父大父人瑞翁賞其才雋稱吾快婿云汝伯
舅司徒公始以中丞治漕事馳書邀之謂燕齊
多故事陳迹可爲詩實欲陰爲之貲汝父知其
意謝不往學使者有與司徒公同籍者汝父避
郭就試明年始入試補懷安邑弟子員而舉業
聲又籍甚未幾得直疾咯咯日幾升許蓋自寇
亂以來五勞瘁形百憂傷心日散敵杯榼間澆

塊壘耳然猶走溪上掃先人丘墓及病浸劇吾
持湯藥往侍雖鵠形蟪息而神氣甚王勃勃不
少哀居數日竟奄然不起矣悲夫人人生以百年
爲大齊汝父才四之一吾歸汝父甫七八歲耳
吾所及見汝父行事又三之一自吾喪所天悲
摧崩裂忽忽若有所忘所記憶者又不能什之
一事久湮滅是在汝曹二孤哉唯是當世不乏
名公良史汝孤曷圖所以不朽者卽吾未亡人
有以精手下報汝父矣是在汝曹三孤哉蓋汝

陳其先九州固始人從王氏入閩始爲閩人與
陳古靈爲同宗至汝始祖封御史週公寔始大
汝高祖樞贈御史曾祖炷以名進士爲僉憲祖
達卽鄉賢中丞公是爲汝父高曾祖若父云中
丞公故廉吏無橐中裝謝事歸中途幾不能抵
家稱貧以濟故汝父生無以自資悲夫悲夫父
諱朝鉅字輔之以字行別字卿仲號本虛以嘉
靖己亥年九月初一日丑時生卒於嘉靖癸亥
年九月十二日辰時享年僅二十有五丈夫子

二則不肖潘爲長字价夫孫男二爲國禪國杼
孫女四爲懷瑜配王萬春懷璐配林兆基懷瓊
配王度懷珮配徐陸次卽不肖藻字薦夫孫男
一爲國祝國枋孫女三爲孟姬配鄭天錫仲姬
配黃竒季姬配林昌胤太孺人則人瑞翁太守
竹公春澤女云

誄

薛考廉誄

聖不佞與君在元氣相聞也於以孝廉公棄諸

孤固已若干春秋矣昔阿戎與譚兼資潘冲不
誼稽紹見賞亦憾中散已亡而不佞與哀易世
之下傷心無情之境將無聞於臨殯方悲陳根
絕哭之義乎夫哀死述行敬揚潛德者唯誄而
已矣遂爲之誄誄曰玉折在瑜蘭摧以芳曰若
元生逢時不祥昔在奚仲分土啓疆亦有靖國
食采東方因邑受氏茫茫未央世有詰人趾踏
鴈行於唯先生秀產大荒岐嶷夙稟金玉其章
洛陽則賈江夏唯黃髻年志學三百是遑詩說

匡鼎箋究毛萇經明行修論秀于鄉偕計續食
觀國之光伊何數奇鍛羽寥廓合寡齊竿擯倍
楚璞吞舟在涪垂雲爲鸞乃厲未圖益懷浹濯
操邁獨醒慨深皆濁乃眷二仲旣耽且樂譽表
三鳳聲騰一鷄繫其長厚蔚爲世宗產推仲氏
義市馮公稽兩孟嘗無忝祖風曹沫三比終返
舊封秦穆濟河轉敗爲功方期振翮與古媿隆
胡然不弔大運告終中河落月半嶽摧峰嗚呼
哀哉永唯先生有孚惠心春華秋實卓彼士林

先生已矣民寔嘔吟來時去順聲曜形潛宛彼
一雛克嗣徽音嗚呼哀哉

外母黃孺人誄

維萬曆甲午秋七月壬午林母黃孺人歸真于
渡川越明年冬十月子壻陳萬夫歸自京師匍
匐行哭哀日月之易徂痛音容之永沫感草臯
受知之分附張憑誄母之義跼天踏地含酸茹
悲拜手稽首誦言爲誄誄曰猗歟冀婦邈矣鴻
妻自非令德疇與之齊遙遙華宗江夏久著祚

衍麟峯祥分龍與旣稟陰祇克柔克令矯矯玉
貞沈沈淵靜筭季嬪德六禮于歸用班女誡嗣
妣音徽我生不辰載罹多難君子于役孰災獨
且諷華逾邁宛彼北堂輓鹿則鮑哺乳斯唐天
也爽只倏奪我姑悲摧經紀滅性隕軀春風駘
蕩還我藁砒枯腸未稊實勞我心纍纍葛藟遺
于樛木趯趯草蟲式昌厥族熊九預教閔絮均
精亦慈亦訓過於所生下逮二女亦戴其德惠
彼婦順貽我嬪則繁甞小子蚤託高門罔極比
德頌復同恩胡天弗遺倏爾棄背婺女沈光姬
儀弛衛嗚呼哀哉緬懷母喪方予入棘才起沈
痾竟牽行役嗚呼哀哉生不能榮獲不及哀敬
揚潛德顯示將來嗚呼哀哉

水明樓集卷之十三終



